

**Bosna i Hercegovina
BRČKO DISTRIKT
BOSNE I HERCEGOVINE
GRADONAČELNIK**



**Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
ГРАДОНАЧЕЛНИК**

Trg Robertsa B. Owena 76100 Brčko distrikt Bosne i Hercegovine, Telefon: +387 49 490-013, Faks: +387 49 490-020.
Трг Робертса Б. Овена 76100 Брчко дистрикт Босне и Херцеговине, Телефон: +387 49 490-013, Факс: +387 49 490-020.

Broj predmeta: 13-000901/20
Broj akta: 01.1-1149AD-007/20
Datum, 13.03.2020. godine
Mjesto, Brčko

Na osnovu odredbi članova 16. i 17. stavovi 1. i 7. Zakona o Vladi Brčko distrikta Bosne i Hercegovine – pročišćeni tekst („Službeni glasnik Brčko distrikta Bosne i Hercegovine“, brojevi 22/18, 49/18, 8/19, 10/19 i 32/19), odredbe člana 13., a u vezi s odredbom člana 21. stav (1) tačka d) Zakona o javnim nabavama („Službeni glasnik Bosne i Hercegovine“, broj: 39/14), te Izvještaja o analizi, ocjeni i rangiranju ponuda od 13.03.2020. godine, a na prijedlog Ureda gradonačelnika Brčko distrikta Bosne i Hercegovine – Inspektorata, gradonačelnik, donosi:

**O D L U K U
O IZBORU NAJPOVOLJNIJEG PONUĐAČA**

Član 1.

Nakon provedenog pregovaračkog postupka za javnu nabavu roba-nabava dezinfekcionog alkoholnog sredstva, za potrebe Ureda gradonačelnika Brčko distrikta Bosne i Hercegovine – Inspektorat, izabran je najpovoljniji ponuđač:

„V-group-palis“ d.o.o. Brčko.

Vrijednost sa uračunatim PDV-om iznosi 175.000,00 KM, odnosno 150.000,00 KM bez PDV-a.

Obrazloženje

Ured gradonačelnika Brčko distrikta Bosne i Hercegovine - Inspektorat imao je potrebu za nabavom roba-nabava dezinfekcionog alkoholnog sredstva. Postupak je proveden putem pregovaračkog postupka bez objave obavještenja. S obzirom da je riječ o hitnosti u postupanju zbog moguće zaraze korona virusom, javni poziv je 13.03.2020. godine upućen ponuđaču „V-group-palis“ d.o.o. Brčko. Komisija za javnu nabavu je provela postupak, sačinila izvještaj i zapisnik, analizirala ponudu ponuđača „V-group-palis“ d.o.o. Brčko, i utvrdila da je ponuda u skladu sa traženim. Osim toga, odredbom člana 21. stav 1. tačka d) Zakona o javnim nabavama propisano je da kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojima se opravdava izuzetna hitnost postupka ni u kom slučaju ne smiju se dovesti u vezu s ugovornim organom. U konkretnom slučaju, na osnovu proglašenja ugroženosti stanovništva Brčko distrikta Bosne i Hercegovine od epidemije korona virusa broj 02-000049/20 od 11.03.2020. godine i Zaključka broj 02-000049/20 od 13.03.2020. godine, zadužen je Ured gradonačelnika Brčko distrikta Bosne i Hercegovine – Inspektorat da nabavi dezinfekciono alkoholno sredstvo za dezinfekciju prostora i objekata.

Član 2.

Postupak je proveden na osnovu Posebne Odluke broj: 13-000901/20 od 13.03.2020. godine i Odluke o izmjeni Posebne Odluke broj: 13-000901/20 od 13.03.2020. godine, i na osnovu poziva za dostavu ponuda broj: 13-000901/20 od 13.03.2020. godine, specifikacijom usluga i ponudom najpovoljnijeg ponuđača.

Član 3.

Sredstva za javnu nabavu iz člana 1. ove odluke osigurana su u Odluci o privremenom financiranju odjela i institucija Brčko distrikta Bosne i Hercegovine za period od 1.1. do 31.3.2020. godine („Službeni glasnik Brčko distrikta Bosne i Hercegovine“, broj 34/19), i po usvajanju u Budžetu Brčko distrikta Bosne i Hercegovine za 2020. godinu, sa organizacionog koda: 11030001, ekonomski kod 613 400 - Inspektorat.

Član 4.

Ova odluka stupa na snagu danom donošenja, i objavit će se u „Službenom glasniku Brčko distrikta Bosne i Hercegovine“.

DOSTAVITI:

1. Inspektoratu
2. Pododjelu za javne nabave
3. Ponuđaču
4. „Službenom glasniku Brčko distrikta BiH“
5. Arhivi

GRADONAČELNIK

Mr. sc. Siniša Milić

